


東萊先生詩集卷之一



呂本中

居仁

暮步至江上

客事又輸鸚鵡盃
春愁如接鳳凰臺
樹陰不礙帆影過
雨氣却隨潮信來
山似故人堪對飲
花如遺恨不重開
雪籬風榭年々事
辜負風光取次回

題張君墨竹

張卿畫竹今成癖
笑語揮毫不作難
欲見高標

起蕭瑟坐令炎暑變荒寒
筆頭似有千年韵
胸次猶須萬斛寬
歲晚雪霜君記取
此君懷抱要重看

陰

涼風森爽透如許
天氣蕭條殊未佳
密邈留陰鎖
蒼竹敗畦藏雨闌
蛙蟄碧雲莫合人
千里丹鳳愁看天一涯
唯有雙叢庭下菊
競勳還作去年花

符離諸賢詩

窮居日荒涼
杜門與世絕
親故日夜踈
詩書固宜缺
符離雖陋邦
賢士稍羅列
德操青雲器
議論輩前哲
外貌發英華
中心瑩冰雪
介然特立士
勁氣剛於鐵
攘臂辨是非
孰能逃區別
信民粹而和
名利誠難悅
汨沒稠人中
獨抱雲松節
偉哉二三子
實乃邦家傑
我來從之游
內顧慙踈拙
欣然對三益
放懷歌數闋
已矣不須言
渠當為君說

德操克之皆約九月間見過今皆未至

扶杖出門悠然有感

病着文書懶出門
偶扶藜杖看行雲
屋頭日在轉花影
水面風來散穀文
不厭吳城千嶂合
稍令明月萬家分
小庭留得清秋在
已見霜紅未見君

游劉氏園大觀元年宿州

暖日溫風破淺寒
短青無數簇幽蘭
三年止酒償春意
可忍花梢戴面看

上元

步履荒園日已昏
呼兒當徑掃苔痕
春愁不作遊人地
細雨殘梅迺上元

柳

含烟帶雨過平橋
弱瓦千絲復萬條
張令當年成底事
風流才似女兒腰

喜雨

天乞幽人一夜涼
故教微雨送斜陽
暝陰籠樹山更好
爽氣侵人土自香
多病不眠唯藥裏
居閑長坐只繩床
五年謬作江湖客
幾對鱸魚憶

故鄉

舍東舊有花數百株自去歲大雨道路

阻絕不復可尋感歎成詩

無數新花替舊叢兔葵高臥占春風向來桃李

成蹊處今在陂中塘湫菴中

送文潛歸因成一絕奉寄

水天空濶片帆開野岸蕭條送騎回重到張公

泊艇處小亭春在鎖青苔

謝人送牡丹

晚風初染嫩鵝黃小雨仍添百和香折與病夫

元不稱玉瓶留待冶游郎一作渾

宿州初暑

暑氣侵人始歎愁筆瓢窮巷不堪憂亂蟬泊雨

林塘靜密暹吹花草樹幽春盡郊簷深著燕日

高田水故飛鷗莫欺湫隘無餘地待借元龍百

尺樓

夏日書事

小行畏蛇蝎端坐困蚊蚋終日方丈間茫然但

昏睡豈唯供病本，兼恐添藥費。小園新雨餘，蔬畦共風味。飽聞鷹門柳，清陰妙無對。便思携杖往行歌，當遊戲千秋陶淵明。此意渠亦會。

寄吉州若谷叔

念我江西老斲輪，久無漫鼻與揮斤。千金莫買

娥眉笑，留寄溪堂病主人。

溪堂無逸所居也。是時聞無逸窮甚，而吉州俸稍增，故有此語。

寄汪信民

時信民在京師，有宗子博士

萬里江南雨外舡，長腰杭米縮頭鱸。廣文繫馬無由去，更有何人贈酒錢。

同諸子游城東園

昔聞城東園，欲往常不款。今來天氣佳，茶甌起衰懶。杖藜出門去，如膜開病眼。木葉晚新霜，衣田帶餘暖。川源疑有無，風雲遞舒卷。不期魚鳥會，偶逐鷗鷺遠。淺水亂菰蒲，荒亭^半苔蘚。青山近在望，更悟秋意晚。同行二三子，詩語各蕭散。不愁罰觴難，苦恨白日短。千人^秋高陽池，令人憶山簡。

揚道孚墨竹歌

君不見渭川之陰臥龍橫千秌貌取者誰文湖
州十年筆意閉黃壤只今妙手唯楊侯：：畫
竹盡真跡功奪造化令人愁滿堂迴頭看下筆
擾：雲烟亂晴日大叢縱橫高入雲斜風落葉
秋紛：小叢歌傾病無力旁水長根走蒼石門
前車馬汗成川何得陰風動高壁楊侯嘻笑詞
未工此意不與丹青同數黛初無一錢費酒炙
能使千家室鞵材遠寄動盈屋我知子畫無由
窮剡溪寒藤不難致須君放手為雙叢與我俱

隱南山中

黛一作繪

謝無逸秦處度諸人皆許省試後見訪

冬夜有懷作此詩寄之

八年去東都觸事無一好沉綿淹歲時憂虞滿
懷抱欲歸故里間稀復舊耆老悠：歲欲盡忽
忽身向老小堂佳有餘所恨來不早飢蟲語夜
霜踈星亂衰草支撐壞壁高側轉寒木小詩書
久棄置詞林迹如掃佳人何時來踳遠音信少
庭前冬開花扶杖起千繞春風回馬首清尊待

君倒先期留酒錢仍須具梨棗

歲晚

野竹新開徑疎籬自著行暮寒一作收雨雪落
日散牛羊生事顏公拙才名謝奕狂藥囊無李
汝春到莫相妨寒一作雲

晚步至江上

大觀二年真州

浦口生春綠未酣南山初見碧漸巖風聲入樹
翻歸鳥月影浮江倒客帆破甑不堪充酒券短
蓑真欲換朝衫往來泥雨城南路可見輕鷗定

不凡

訪晁進道歸

樹陰殘雪半成泥尚想狂風一作花一尺圍小雨似酥

黃草盡澄江如練白鷗飛未辭酒炙為公費政

恐親知見面稀南市津頭行艤子無人識我醉

中歸

怨歌行

借君手中板為君歌一辭日中宛轉君不曉為
君說盡長相思輕霜夜度吳城暖楓葉蘆花秋

意晚萬里春隨驛使歸十年夢逐佳人遠當時
笑語似兒劇象床玉手無消息古岸風江千里
舡咫尺春愁那得憐君不見信陵門下客侯嬴
不用今頭白

雪盡 大觀二年宿州

雪盡寒仍在園荒春欲歸晴空落雁小古木聚
鴉稀肺病猶堪酒囊空合典衣碧雲愁不見千
里故山薇

三月一日泊州宿州城外因縱步至城

北遂過天慶觀道士留飲乃歸

冰霜連暮春既雨寒愈重扁舟纜荒亭淺水咽
微凍今晨稍和柔始覺芳意動經旬厭拘束樂
事須一縱籃輿無倍情鴟夷當賓從十花犯濃
雲紅紫相餞送未知滕薛長乃若鄒魯閨娉婷
北門柳別淚作淒痛陵陂少荒蕪亦未妨耕種
道人喜我來清談破昏夢彈琴不須絃風林助
吟諷嫩玉持香杭浮蛆揆春甕嘉蔬剪朝露奇
果市新真西鄰亦可人明窗碾雙鳳人生一飽

遠此外更何用七年城北交事與朱阮共長詩
不成篇臨行當三弄瓊瑤報木桃為子末後供

宿青陽驛

燈火客帆盡人煙村市幽晚風號古木高岸東
黃流物色淮山近春光霧雨愁栖逢舊游地來
豁十年憂

游南山歸簡張嘉父博士

吾生復何往樂身亦忽忽宝塔千帆外春城萬
壑中亂花緣側遶一作晚照落斜空坐想西倉

老拙髯一咲同

選一作岸

書懷

挂腹文書未補飢積瘕瘕潜塊不堪悲見曹怪我
踈愚甚不見田光盛壯時

客居書懷奉寄介然若谷才仲兼簡信

客愁如長河浩蕩不去息未來已相闕千里在
咫尺抱疾寄他鄉終年守岑寂中虛耗神志內
熱損筋力長虞二豎嬰復有寒餒迫怪渠甑上

煙愧爾囊中帛平生所讀書已如不相識坐貽
 鄉黨咲敢辭塵埃沒舊游今幾時轉眄忽陳迹
 死者不復見墓草春已碧生者天一涯未免陳
 蔡厄見曹乳臭在瞑目紛分黑白雖無未見書頗
 多雌黃筆出言輒周孔而不辨菽麥啾：要酬
 和內顧頗牽率坐令懷抱惡更覺天宇窄忽：
 十年事俯仰同戲劇從來肺腑親翻手胡與越
 獨餘二三子肝膽猶鐵石尚怪東郭貧亦訝懷
 祖黠西軒來何時筆歌共飢渴念君不能已一

飯再三歇誰能明予心皎々霜夜月

小園

小園常在眼春事已天涯雨暗堤前路苔深林
 外家曲池通小徑密樹隱殘花長愧鄰翁酒囊
 空尚可賒

謁雍道士

雍有古西甚衆盡為郡掾取
 去雍游貴人門甚熟

紛々乾沒混泥沙一作遣塵言掛齒牙畫妙畫

手已歸三語掾壯游空記五侯家古壇背日藏

芳草小樹留春放晚花能共山翁同許活隔林

分聽一池蛙坐貽一作坐恰暫遣一作不遣

春日即事二首

隱几虛堂俗客稀片心真與道相宜風搖柳帶

千絲亂雨勒花心十日期瘦病才蘇休強酒良

辰雖好少題詩賈生詞賦常流落歸去來兮在

幾時

其二

病起多情白日遲強來庭下探花期雪消池館

初春後人倚欄干款暮遲時亂蝶狂蜂俱有意兔

葵燕麥自無知池邊垂柳腰支活折盡長條為

寄誰

寄前鎮西楊法曹

楊子文章老更新狂吟寡和過陽春雙聲疊韻

俱難數指物程形似有神畫馬已無韓幹肉草

書真得伯英勛可憐一首閑居賦解道連蜷能

幾人

飲酒

人生百歲能幾何顧我把酒胡不歌窮通大抵

夢南柯我復夢中多蹉跎自古英雄亦何有往
事紛紛不如酒嗟予真得酒中趣幾度尊前揖
星斗病起槐陰鸚已老今日相逢還草々忽々
數日是行人且向尊前一傾倒人生樂事亦難
并明日清風况都好
陳壽謂諸葛將略非所長私恨馮青史千古何
菜々謗議終自破公論不可當是非僅可定青
蠅果何傷

蘇文自戲呈七十七叔

大阮愛我詩謂我能詩矣我詩來無極愛之終
不已吾非聖者也但智慮多耳賜始可言詩吾
智由商起

偶作

去年芳草又萋々休嘆王孫猶未歸更見春深
送春雁三々兩々傍雲飛

謁陶朱公廟

悠々千載五湖心古廟無人鎖綠陰為問功成

肥遯後不知何日術累千金

睡

終日題詩不成融、午睡夢頻驚覺來心緒

都無事牆外啼鶯一兩聲

夢

夢入長安道、盡春草覺來春已去一片池

塘好

讀陶元亮傳

我愛陶彭澤解言歸去來醉眠猶遣客却使世

人精

我愛陶彭澤

不求絃上聲琴中如有趣曾遣幾

人聽

寄壁上人

出門厭交情袖手看世故紛、駒過隙忽、豹

隱霧生平喜退縮未到已、心悟尚餘好事人相

就討新句雖非琢肝腎終自費調護君看雪霜

根豈受桃李如胥疏老支離骯髒舊賓傳何繇

兩行纏遠泛一大瓠從君乞妙語一洗詩酒污
 符離城裏相逢處酒肉如山放手空已見神通
 過鷺子未應鮮健勝龐公且尋扇子舊頭角一
 任杏花能白紅破箬笠前江萬里無人曾識此
 家風

先生昔據道一作通玄峰咳唾珠玉家為空只今
 江西二三子可到元和六七公雙鬚鬚只期他日

白千花猶是去年紅頭君吸盡江西水不假扶
 搖一作通玄鵬一作通玄搏萬里風一作通玄

又寄無逸信民
 文字撐腸不療窮詩來想見左書空雖非問道
 睹狂屈璧公學道教不訛進二猶勝道遺書訪子公銀盃久
 拚浮大白桃花且看舒小紅記取浮盃無剩語
 他年說似馬牛風

奉答璧公兼簡諸友
 江山取別太忽對面難尋一段空願我自無

黃閣樣如君合是異頭公客塵袞袞催前浪俗
眼紛：替舊紅炙日茅簷那接膝重來肯惜一
帆風

得李去言詩次韵會之

歌呼屢回曹相國戲書或似魏司空半生懷抱
向餘子千載風流獨此身公未用反身藏白黑更須
着眼辨青紅無人與助求田費雅稱謝家林下

風

督山伯蕭遠和詩并示舍弟

受閑多病老封戎看子重天上碧空懶墮未須
攀此老典刑政爾賴諸公酒湏如震澤三春綠詩
似芙蓉五月紅坐此逃禪夫天可恕不應獨許我
乘風

用寄壁上人韵寄范元實趙才仲及從

叔知止兼率山伯同賦

故人瓶錫各西東吾道從來冀北空病去漸于
文字懶南來猶覽歲時公江回夜雨千年巖黑霜
着高林萬葉紅政好還家君未肯莫教慚愧北

窓風是時在范元道不遊蜀未歸三子皆奇士故以川趙

諷也

夜作呈諸公一作樹散歸鳥寒燈上壁角踈

風江舞暮帆野遠一作樹散歸鳥寒燈上壁角踈

星綴林杪歸來靜無事獨坐搜默藁放筆有新

功無人與傾倒不知新恨多但覺舊愁少石鼎

倚殘炉茶烟看清景明朝尋酒錢折簡喚諸老

野樹一作遠樹

東萊先生詩集卷第一

丙子九月廿一日依宋刊本校定時宿大房山兜率寺沈村記

東萊先生詩集卷之二

呂本中

居仁

山陽寶應道中與汪信民兄弟洪玉父

杜子師張益中日夕過從自過高郵不

復有此樂也因作此詩寄懷

日日南風沙打圍掛帆端為故人回長沙空渺

水無際遠掛樹冥冥花自開疾病久辜鸚鵡杓江

山稍近鳳皇臺月明雪霽山陰道尚想王郎乘

興來李太白有鸚鵡盃鷓鴣杓二物名雖異其

春日

春風未雌雄尊酒自賢聖燕巢樓閣閒鶯語花柳靜

知止歎傲軒

貧夫九鼎猶不足淵明一軒長有餘人生趣向各天壤鴟嚇腐鼠猜鷓鴣中即妙處世不識風期自與常人殊開軒便有千載韻友葛天氏無懷徒坐看松菊換時節兔葵樹桃紛榮枯五年却走各南北千里懷想空煩紆雙魚沉浮久不

至三徑寂寞今何如文章潦倒付丘壑病疾增

證思江湖何時共坐北風裏煩君小掃園中蔬

暑夕乍涼二絕
三句埃鬱得清風領袖猶翻汗指紅已是魂清無俗夢更移涼簟月明中

暮蟬蕭瑟下斜陽已似茅簷氣味長團扇未須憂齊置竹奴猶可助清涼

寄知止二絕

少年樂事未全暗諳疾病侵凌已不堪尚喜步兵
頻入夢中猶復似曹南

竹林還往風流絕剡縣交游氣味疎今代高人
多惜費千金未抵一行書去秋知止與石子殖皆許見過已而俱不

游北李園三絕

雨映煙籠萬竹蟠枯條高下不堪看非千秋後
多霜露自是芙蓉不耐寒

去馬來舟絕往還此中情味却相干明年知是
明寒食待約花梢月下看

壁間詩字有遊塵庭下梅梢又作春獨有城南

汪教授當時同是看花人壁間有饒德操詩

小徑縱橫出紫苔綠陰高下綴黃梅榴花却是
多情思宿留薰風未肯開

寄李愬去言

東南之望廬山英李即落，奇後生鳳凰麒麟
在郊藪芝蘭玉樹生階庭文章初如濫觴水行
見萬里通滄溟汪侯愛君筆不停謂君詩似秋
風清世間兒子甘縮手蘇迺趙柵俱抗行少年
才氣乃如此後來定是賢公鄉伊昔先朝文物
盛君家諸父當朝廷外尤復是不世才奇祥異
瑞相輝映翻雲覆雨十年後昏以醉夢須君醒
我生未壯日向衰疾病侵凌心已灰眼中之人

不易見千變百技常追隨詩書深藏半鼠矢筆
墨高臥封蛛絲功名已矣付公等田園肯放吾
先歸

贈汪莘叔野

汪子宦不進四海漫載名有弟極磊落氣宇和
而清三冬文史足千年書劒成出言見瓊穎府
庫森五兵于身則已拙泛如池中萍輕肥置度
外辛苦抱遺經乃知佳子弟必由賢父兄念子
初來時我方疾病嬰相從回寒暑所歷不可聽

昏：醉夢裏得君時一醒擁爐共殘火軟語當
盃鐺君亦不我厭為我雙眼青勿云軀幹小氣
吞橫海鯨懸榻念文舉開徑憶淵明二子風流
遠感君兄弟情窮通有時節此士爾勿輕賤

新冬

西風吹禾黍落日在陋巷杖藜訪新冬霜樹渺
空曠人煙邨舍西行旅古原山止晚上晴更好秀
色常在望居閒得真趣日歆就踈放豈惟憎俗
徒庶自免嘲謗東鄰酒初熟清香亂盆盎徑須

騎牆頭挈榼獻窮狀吾生足羈旅久病非少壯

銀杯多一作驚羽化布帆且保一作無恙雖非陶潛

隱不負徐邈暢多一作保

贈謝無逸

君不見城南千樹堯君不見澗底百尺松松生偃

蹇卧霜雪堯李一笑隨春風百年澗底終自若

堯李花猶得暫時紅嗚呼志士每如此衡門高

卧不見用心雖無瑕飢欲死

贈張若虛

病憶江湖去書無尺寸功平時窶人子忽是富
家翁活計呻吟裏交情夢寐中獨與張處士相
近數過從

贈信民

五年客符離端坐受貧病後來踈出門今乃懶
成性官多豪富即分明與時競取醉不論錢定
無塵生甑豈但相娛樂頗復自賢聖汪侯雖官
居笑語怯豪橫折腰衆人後瓊林自輝映背後
足官府眼前謬恭敬偷閑過草堂遣興眯眼淨
泥濘

符離行

符離之民難與居五年坐此如囚拘比屋生涯
但剽劫諸生學問只鄉閭南鄰經年不相見北
里雖見復麤疎窄衣小帽走塵土也復生貌施
襟裾對此自然憂氣滿疾病日益何由除君不
見圖經所記又可哀此州自古無賢才

探梅呈汪信民

縞帶銀杯歆着塵小園幽樹已含春風流王謝
佳公子臭味列曹入幕賓細朶定無泥塵一作土

沈暗香猶帶雪霜新剝摩枵腹搜奇句去惱城

南得定人泥土一作塵土

秦懷張公文潛舍人二首

顏子置身陋巷屈原放跡江湖何似我公歸去

馬羸不厭長途

又

腕中有萬斛力胸决次乃千頃陂字畫顏行楊草

文章韓筆杜詩

答無逸惠書

三年讀書少餘味燈火可親病為崇謝侯好事

憐我窮時遣雙魚問鷓鴣交情乃似親骨肉學

行坐越諸公掃輩胸中萬卷書屈蟠少日力戰登

詩壇下帷却謝俗子凍吟不啻見號寒只今食

粥已數月千慮百憂煩筆端高才本是棟梁器

苦語終無儒生酸樂章短句又清絕陶寫萬象

嘲江山江南草木不得閉問君何為愁肺肝

年行坐想風采千里夢魂勞追攀我無良田歸
不得忍窮氣味君應識囊貯未了歲寒計學道
空愧琳與璧交親零落半鬼錄白日輕去真可
惜終朝撥火煮蘆菹南山之南待君喫

寄知止才仲

一門叔父到卿好中表弟兄惟爾賢往事關心
空自語新詩好句與誰傳溪山已近堪投老文
史雖窮莫取憐仲弟墓頭今宿草為渠先賦補
止篇

寄張益中

五年望張子兀坐四壁空今晨千里來如熱濯
清風咲談不改舊憐我衰病攻斯人舊豪氣頗
似陳元龍只今更省事終歲兩頰紅何知珊瑚
樹却倚塵埃中晁侯夙所敬見渠如見公網羅
枝出脚遠逐冥鴻今會得玉郎敲門夜相從
殷勤一盃酒目送西歸鴻人生少如意此樂難
再逢君家老季鷹高韻留吳松風流遠孫在一
擢何時東不嫌道里遠為我畧從容

元日贈沈宗師四首 大觀三年真州

東家起傳觴西家起相喚我亦了新詩成此竒
一段念無毫髮益但見日月換出門語沈即造
請我亦漫念昔從諸賢閑注老者舊是事今則
無斯人亦難又爾來見公子却立兩公後不倦
以終之可以為子壽沈即固可人好善乃天性
迹隨萬事遠心與一物定蕭然四立壁筆墨自
溫清更持孟賁勇少折楚士輕君無綺紈氣我
有冰雪容相期五石瓠共濟萬里風江山秀句

內子空洞中還身視塵滓當有一日功

梅

南雪看未穩北風吹已殘才堪十年夢不稱一
生酸日月方回首風霜與凭欄逢明出謝客頓
覺帽圍寬

苦陰

破臘冬仍在逢正陰更頻寒流未解凍雪意欲
妨春畏病還踈酒逃寒懶見人東郊堯小季還
別一作是一番新還別

贈泱上人

一庵便送淵明老四海共傳摩詰詩本自妨人
枕邊夢不能陪汝劍頭炊交游大半飢寒裏疾
病中分少壯時西寺木魚東寺鼓三年三見泱
閣黎

正月十二日夜作

春來消息未真傳久負蒲團一味禪燈火侵尋
作佳境冰霜偃蹇過新年江聲誤落三更雨野
色遙看萬斛船咫尺風光不相貸忍令好語到

愁邊

咸安公主

漢朝公主歌黃鵠秦地佳人唱柳枝想見雲車
度沙漠一盃湮酪酌明妃

明妃

秦人疆盛時百戰無邊巡漢氏失中策清邊烽
燧類丈夫不任事女子去和親君王為置酒單
于來奉珍朝辭漢宮月暮隨胡地塵鞍馬白沙
幕旃裘黃草春人生在相合不論胡與秦但取

眼前好莫言長苦辛君看輕薄兒何殊胡地人
雨著河堤柳著煙小樓燈火又今年東風不與
行人便留滯長亭十里艇

昨日晚歸戲成回絕呈子之兼煩轉示

進道丈

踈燈欲盡漁商市小雨似開桃李顏一夜簷聲
鳴壑盡無人知我坐蒲團

二

卧疾病一作江邊又未回懶隨兒輩走塵埃天公
尚有餘情在肯放梅花自在開一作病未愈

三

春愁故一作妨人樂舊蘚新苔不暫晴想見江郎
開一作艇臥滿川風雨報天明

四

晁卿白髮風流在肯伴香車作夜遨借問典衣
充戲責何如沽酒喚吾曹
上元夜招沈宗師不至聞已赴郡會作

二絕戲之

燈火滿城公不來為公雕句洗塵埃春愁不到
城西寺更約梅花緩二聞東

五

白作漆酒紅燈稱意春知公未免踏黃塵繩床
好在休相憶輸與琅琊決上人白酒一作漆酒

決上坐求枯木庵詩戲成兩絕贈之

枯木菴中決道人百年無影臥輪囷未須特地
通身去放取枝條自在春

五

前身石霜後身決如印：泥風去塵認得當時
侍者意無人知是密菴人一作呂居仁

正月末雪中酌

柳着河邊雪着缸小桃應誤取春憐床頭有酒
須君醉又廢蒲團一夜禪

次韵張生

密菴居士渠不識齒髮則衰心未樽然下不知
公子貴酒中差覺蓋生賢已吞舌本三千丈却

住人間五百年觸忤風光君莫怪棒頭無地可
逃禪

追成舊作

滿光風月一舸霜無計留君只自狂燈火隔簾

香隔坐無人知是竹枝娘

久不得才仲書因成兩絕寄之

望大趙書如渴驥憶老汪膠無續弦看遍江南

與江北小屏微雨是斜川小屏譜淵明孟夏草

二

病去詩無一點塵亦知摩詰是前身憐君更似

西江水合伴倚松庵裏人

晚晴

斜陽入花柳渾欲不勝情春事乃如此病軀安

得一作平尚堪衝宿酒復作快新晴荒簷足鳥

鳥莫厭晚來敲安得平一作殊未平

連日與上一人會話密菴清坐附火乃

有山居氣息因成一詩奉呈

春風吹苑簷落日半花柳餘寒盛氣來佳辰為

誰有公來但默坐有味皆可口端如列鼎食衣
被以醇酒煩言不知要寔自費斗藪南泉山下
人了不可^計否山柴晚復燭當為一舉手荒江甚
沉寥此味亦長久不嫌薰病眼重當為公取
一上人屢言瑯琊南塔之勝予蓋樂之
而未能往也

二頃良田一畝宮好山當自屬林公須君留我
卓錫地安聽^要颼颼萬壑風
夜坐有懷

西還豈不好本自乏周旋道有魯一變歲無官
九遷疾風驚半夜惡况極今年咫尺沙頭路猶
堪着釣舡

晚風即事

春色不自惜曉寒摧折之殘花帶雨去薄酒信
風吹尚有尋行債初無了事癡論詩得奇味當
使阿戎知

廣陵道中寒食日

風雨屬連春事休碧林^嶺三尺薦行舟短牆不見

桃花画付與長江自在流

二

南來消息不真傳
政恐相逢却未然
何處青帘足沽酒
粥香餠白是今年

就甯子儀求酒

鼻息咈然君莫驚
飢腸渠自作雷鳴
須公一勺

烹兒酒伴我夜窓聽雨聲

二十日游雲水洞歸就鐙右校竟藏園

東萊先生詩集卷之二

東萊先生詩集卷之三

呂本仲 居仁

廣陵

借韵戲用文潛體

往來六十里各是一江郊
柳色團渦岸春風揚

子橋好山當断岸野鳥度空巢
一任雷塘踏暮

天風雨號

沈宗師甚喜江梅而微貶醪釀因成一

絕

淡綠衣裳玉作粧
好風涼月自相當
沈郎笑汝

多情在不似江梅滿意香

勸張李二君酒

張侯好詩如好色不敢為主而為客李侯好酒
如好詩心雖甚壯無人知兩侯風味俱不惡如
芙蓉與木芍藥午憲留客看筆快曉枕無人猶
睡着廣袖漸變天寶故大字不作元和脚世人
訛笑乃其分政是仍叔之子弱病夫坐穩無所
求荒簷斷雨鳴春鳩爐烟未盡消百憂恨不緩
帶從公游何時清江橫小舟與公一醉荻花秋

却來密菴叅牧牛

密菴菴居

鳥語花香變夕陰稍開復恐病相尋正應獨有

江山分素自都無廊廟心堂上老親雙白髮門

前稚子舊青衿見曹不會菴居意古澗寒泉疑

至今

小園即事

千花老無蹤衆草來可喜欣然得幽尋我亦病
良已飛兩蝴蝶不悟塵土裏禽較甚可人亦

似相汝爾人生貴
惟志不必須甚美
三年白沙詩已費
千幅紙問君何所樂
赤手費摩洗短屏
看遠山心作千萬里
此豈画者功實自一念起
君君當如是觀
在此不在彼

登舟

夜雨曉猶滴
怒風晴更吹
已無行役念
寧有別離悲
舟楫三年路
江山一月期
東菴還舊往
不廢百篇詩

張稔秀才乞詩

白蓮菴中張居士
夢斷世間風
馬牛風塵表
物自無意神仙中人
聊與游張舊與前輩名澄江
似趁北城曉
苦雨不放南山秋
君當先行我繼
往向吳亭東
留小舟

效古樂府三首

君住家一作長江邊
妾上長江去
長江日夜流
相思不相顧作家

二

長江日夜流
妾心終不改
誰謂江頭人
相思不

相待

三

東家石榴紅西家石榴紫俱是一種花同生不同死

讀太真外傳

上盡馬冤蹄東風吹舊京乾坤已新主草木自秋聲錦鞞十年恨皇輿萬里程寧知挽船士亦有別離情

簡寧子儀二絕

只恐老去被花惱更欲忘憂須酒澆何似山堂病居士閉門高枕過春朝

三

新晴欲上南樓月柳可藏鷓鴣水蘼牆無限客愁芳草裏不知風雨阻斜陽

書寄決上人

胸中無一毫事筆下有千金力走遍江南江北

斜

山滿堂禪和不相識

呈愚上人

不能歸續侍中貂遂有敢名伴老饒萬里更行
看腰裏一枝才足賦鷓鴣詩囊硯礪君其漫藥
裏侵尋我亦聊舉目雲天盡新語殷勤收寄一
牛腰

贈浹上人一上人

君行南山南我在北山北不聞浴鵲白但見染
絲黑老境欲垂々快意須得々孰知百雉堅而
有一日克決如澗底松緘老終不踏一如雲間
鶴不復可羈勒我如千里風遇此兩鴻鵠明珠

脫氛翳曉日破昏塞宿障不盡除胸次猶筆墨
君看說詩口乃是拔山力冰霜卧偃蹇歲月飽
封殖誰能窺藩籬未易得闡閩政當歛光芒不
必須緣飾一作政當磨其鋒共掃煩惱賊相從

無何鄉敗袖依破械更令好事人妙語添一則
雨後月夜懷沈宗師承務

雨雲攬江色偃蹇破昏睡千花閉一作紅紫妙
見一空內披衣行夜永明月在舡背微風過蕭
瑟古柳立蒼翠脩然一蒲團堅坐覓詩對我生

無南北所到意輒遂孰知十年游保此清淨退
頗念城北人結友老杉檜漫隨長缺歸甘作短
檠棄出門萬里涂已駕安得稅何當持被來把
酒相就醉

開開

秋夜示李十

晴鳩不時鳴雨鳩不暫歇相去跬步間屢見屐
齒折寒泥擁衰草秋扇罷殘熱今晨好風景稍
貸屋頭月清光冷相照玉艷滿金玦喚客坐前
憲文字相漂雪殷勤傍詩律未暇了麴蘖瀾翻

談經口邂逅如意鐵我歌君輒書字、有行列
不須陞極嚴但要兵衛設譬如南山石琢齒當
井漂真成一戰霸未可三鼓竭人生各涇渭世
事亦勝薛高堂食肉人兩馬方跂齧何知緼袍
底猶有不安節

中秋日沈宗師約遊城西泥雨不果因

成四十字兼寄趙才仲

遂阻城西步兼懷雪上遊長風掠歸燕苦雨應
鳴鳩月向誰邊好寒催社後秋傳杯有新韻能

憶老尤不

桃花菊

嫩粉殷勤換淺黃鬱金叢裏見新粧已翻百疊
紅衣潤更沐九回沉水湯

九日晨起

漸歇敲蚊手真成把酒天長河印曉月老木聚
荒煙了、江山夢隔、文字緣南階兩三菊極

意作今年

王氏郊居

江山處、好落日極登臨雨續疏畦潤風吹柿
葉陰客舡頻上下水鳥故浮沉尚有南飛雁丁
寧可寄音

對菊

稚子尋花莫漫狂已知疾衰負重陽新霜有意
留青蘂更放殘枝十月黃

雨後至江上有懷諸子

落日滿寒雨長江收夕霏定知聊復爾敢望不
相違野鳥晴相喚殘螢晚自飛殷勤兩山口好

為放朝暉
 疾風吹沙不成雨十日狂陰倒殘暑江頭樹木
 半焦枯不厭潮頭洗塵土南樓反照千丈紅落
 日却在洪濤中舟父漁子莫惆悵更借朝來東
 北風

歲晚作

南山雪雲千尺高北山晚田無寸毫富况巨家
 飽欲死笑我陋巷長蓬蒿道人坐穩忘作勞百

念解縱如垂橐但當折簡喚我曹並坐擇蠹煩
 抑搔筆力可借秋江濤莫問學人間膏火熬
 弔古塚

荆榛閉莽蒼千歲一孤墳坐則無是叟死應冥
 漠君略無他日念唯有不堪聞想得西陵道荒
 臺亦暮雲

奉送子之還京師

日月老投閑文字今削跡便然腰十圍欲吐啄
 三尺頗懷平生友相就語肝膈諸江好兄弟夫

子眉最白詞林三二公子寔門下客布帆千里
來許我間賓席階庭出蘭樹戶牖照圭璧詩如
駕高浪萬頃隨筆力寧為首陽餓不作嬖奚獲
乃知工語言要是飽糠覈茫然李杜壇未免陳
蔡厄出門觀善陣斂手避勅教澄江搖夜霜歲
晚見沙石釵頭眉蛛絲即有梁宋後士生多艱
虞道遠自古昔相期逍遙游不計天地窄名教
了三黜談笑供百謫別君為此言可當繞朝策
外弟趙才仲數以書來論詩因作此答

君才如長刃大竅當一割正須礪其鋒却立望
容髮平生江海念不教文字渴茫然攬轡來六
驥仰朝秣病夫百無用念于故踈濶未能即山
林頗復便裘褐前時少年累如燭今見跋胷中
塵埃去漸喜詩語活孰知一杯水已見千里豁
初如彈丸轉忽若秋兔脫旁觀不知妙可愛不
可奪君看擲白盧乃是中前筭不聞鐵甲利反
畏強弩末輿薪遵大路過眼有未察君能探虎

穴不但鬚可持才仲佳士也年開及是四時隨其
比其文
柳子厚

過子之泊船舊亭

江即泊舡處草徑不勝秋客裏終年別春前萬
斛愁山橫采菱口月滿望江樓政可夢春草莫
令吟白頭

望金陵偶成兩絕

臺城南望入斜陽尚想能詩玉樹即乘興風流
莫相笑眼有直北趨雷塘

雷塘別有風流坐可作南舟兩日行江水自流
春好日不知芳草為誰生

烹茶

水光欲盡琉璃影玉色初浮翡翠斑便覺麴生
風味惡小爐新火對蒲團

西樓

小院無人日自長隔簾時有芰荷香客游未作
安居計更借西樓一夜涼

寄信上人

笑語三年別舟航十里淮新雷變草木好雨過
風霾萬事不如意一生常好乖何因伴明月特
地入地懷

秦處與一上人同宿密菴處度為一畫

斷崖枯木

小菴無客亦無氈遂有高人借榻眠一夜西風
撼枯柳不知春在石崖邊

寄謝無逸并汪叔野兄弟

老謝風流綠綺琴小汪兄弟亦南金文章已悞

半生事江海畧酬他日心好酒不當愁偏反舊
書差慰病侵尋平生恩義伴宮老斷縷寒泉百
尺深汪信民設方數月

月下

白鷗笑汝一作我不能飲澄江惱人勤作詩可惜

南樓好風月只無春柳對瓊枝

劉穆之

金樽一斛貯檳榔調戲兒童走歌狂不謂林間有
元亮念公時在酒中藏

戲贈道法上人

忽逢邇溝道人決如見錫山居士秦問着世緣
渾忘却知公不是箇人中

喜章仲孚朝奉見過十韵

昔語不難好舊交今則無但能留客坐已勝折
腰趨只有連根煮初非滿眼酤苔痕記拄杖雪
影傍跏趺語道我恨晚說公詩不迂丁寧人漢
魏委曲上唐虞歷有全體忽或半塗真當
置度外不敢望庭隅日月換新歲江山非故吾

他年佳句在與畫密菴圖

山谷論作詩法當自

之歌以下皆當精考故予論詩必斷自唐虞以

觀甯子儀所蓄維摩寒山拾得唐畫歌

君不見見寒山子垢面蓬頭何所似戲拈拄杖喚
拾公似是同游國清寺又不見維摩老結習已
空無可道牀頭誰是散花人墮地紛不須掃
嗚呼妙處雖在不得言尚有丹青傳百年請公
着眼落筆前令我琢句遊幽禪異時淨社看白
蓮莫忘只今香火緣

寄朱時發

菱橋脊梁硬如鐵天下拄杖打不折倒騎佛前
出三門南頭學來北頭說昔苗未生今作米更
判阿師三尺嘴公但吸盡西江水莫怕庭前簸
箕尾

寄穎昌諸叔

身如許縣老聾丞心是一作江湖版下僧萬事
聊憑曲肱夢一尊時近短檠燈舊游可數終難
又恐况雖多不厭曾尚憶少年情話否夜窗相

對髮翦鬢

謝人送瓊花白沙人謂瓊花為無雙花

戲成兩絕

凝塵款滿讀書窓忽有瓊花對小缸更喜風流
好名字百金一朶號無雙

斷腸風味久難尋尚有名花寄此心折盡長枝

已春晚只宜涼月不宜陰

觀甯子儀朝奉山堂諸石三絕

箇中真味久難忘但覺人間萬事忙今日為公
留不得剩分詩思入山堂

向人懷抱終何有過眼崢嶸得暫醒更喚秦髯
與滄板為公題作小南屏

知公心似山堂石悞落人間几案間今日風光
已相負看朱成碧未能還

十一月五日與才仲弟相別于白沙東

門之外悵然久之不能自釋乃知謝

安石作惡之語不為過也因成八詩

奉寄可見別後氣味亦可并示京洛

間親舊也

終年想顏色未有食頃忘君寧不我念苦畏冰

雪妨斯文百戰罷閱士如堵墻孰知五湖口一

葦可以航

二

君才不長貧太阿之在匣故知讒口應不受龍

象踏此道有從來翫驥端不之相期
瓊頭春夜語重一呻

三

盛歆與子談乃復為此別忽得餘歡把酒到
耳熱人生不如意肝膽有楚越何知若人胸中
有積立鐵

四

伯姑無恙時令我與子友周旋以至合各是遺
種叟文字種聲名于身亦何有還書問兩弟是

事君識否

五

婦如先姑賢見似乃翁好識君相與心見我亦
倒傾頻年作離情悟賞到丘嫂卜鄰洛水陽此
語當在早

六

低頭拜東野木厭擿抉窮停軍問縮酒不計牛
馬風胸次脫塵滓歆與秋水同斯人未遽遠當
在阿堵中

往者汪信民愛我不自勝以我如古人得與子
並稱君士不復有斯言當伏膺期君極膏沃更
作無盡燈

鍛以百鍊剛淬以萬里流閉門待強敵忽見天
地秋以石投水中萬歲終不浮堂倚松老於
今忘百憂

東萊先生詩集卷第三

東萊先生詩集卷之四

呂本中

居仁

山水圖歌

君不見南江老龍夜不眠令我破屋開青天千
巖倒壁卷角上一榻却在洪濤前又不見江頭
古木一尺圍猿猴接手懸高枝雨中寒蘆披靡
去天際風帆先復歸陳生故是可憐人筆雖未
到心已親南邨北村渴欲死怪此一空無纖塵
鄭虔邨嶽不解竒韓幹畫馬空多肥萬里咫尺

君得之更看湘江雷雨重 陳生款畫湖湘圖

庚寅年正旦郡中客次作

曉霜挾霧入寒廳
四坐伊優不暫停
剩欲禪房作新歲
念無餘瀝到空瓶
詎諧與世聊從俗
嘯傲他年可乞靈
更為旁人住俄頃
坐閑愁殺兩螟蛉

題李伯時維摩画像圖

老松換天四無壁
小菴不勞容一室
野竹入戶芭蕉肥
下有無言病摩詰
文殊妙對亦未真
身

如浮雲那得親
驚倒同行問話人
彼上人者何所云
眠龍好事筆有神
不避世間狐兔群
歸渠一作洗盡胸中千斛塵
多口阿師聞不聞

遣懷三首

何山不堪隱
何家不可居
古來子華門亦著
荷畚夫荒田
脫積雨未免供
晚租今日視昨日
但見有不如
故人勸加餐
老親憐嗜書
寧知毛稚子
不可一日無一作無一日

秋風襲塵一作殘暑忽過江山上林且日無杖來不
見十畝陰蔬畦甚寂寞亦受霜雪侵念此不常
好如我宿昔心濤頭落崩岸野鳥助謳吟潛魚
著沙底避網冬更況

三

異時忘言人馬鬣宿今草生平不如意欲伴寒
木槁遂令蔡蕘賜更盡組繡巧三年對空案誦
子詩可飽從來文字上不解顏色好相逢期後
身再訪西院老謂也

符離阻雨

東風吹船窓未曉天復雨篙師促添纜臥聽泥
瀉：不知城北園春事今幾許舊游如宿昔花
柳默可數鄰里先後來頗復相勞苦東家獻牛
酒西家饋雞黍感渠長久情愧我無所取汪侯
哦詩處積水敗環堵念此不忍行不但出入阻
七年此端居畏病如畏虎故人饒與黎此老可
共語

伍員祠

伍員廟前一丈碑上有野鶴雙來栖水雲香
涼去遠風雨冥冥秋到蓬江花相趁野
花發舊燕不隨新燕歸丈夫遺恨今何許
楚越句吳今是非

東園

垢汙久思出江山秋更新荒田出龜兆老
檜落龍鱗風月猶堪夜蒲蓮浪作春籃興
亦乘興寔自巖冠巾

寄琦監院

往事濟陽是公子今日靈巖琦上人千山不礙
一月曉北樹忽見南山枝春箇中有味渠不識底
處無情公得親不知碧眼之壁面何如黠顏西
入秦

即事戲荅季一

斜陽着高柳環堵半黃昏小圃三年旱荒池一
尺渾粗知詩有味寧使婦無禪不信晁公子猶
招楚些魂季一詩云思賦與諸公論人

湘竹

小雨催寒入夕曛
湘江風味可憐人
斑斑玉淚無時盡
裊裊金梢別是春

有懷宿州城北因作詩寄才仲

宿州古城北隅雨罷晴開如畫圖
雜花亂藥未須道白杏一枝天下無
香風裊上入短袖明月蕭蕭隨蹇驢
二年不復見此樂清江萬頃正愁予

示沈宗師

十日兒啼不出門
殘花梅猶在小瓶香
沈郎喚客

煮湯餅政恐及未得嘗

二

九日狂陰一日晴
落花飛絮作清明
與君携手南樓去
共聽長江月下聲

夜坐戲成兩絕呈迪吉宗師二友

夜窓燈火著新寒
喜見蒲團一味閑
縱有好詩人不要却
須還與檻前山

二

踈簾欲上梧楸影
遠枕微聞盆盎鳴
甚欲分身

就公宿只愁塵土變江鼓

戲成兩絕奉簡章仲孚兼呈宗師

日日勃鳩相應鳴年々春草趁愁生
道人不怕冰霜面又作南舟十日行

二

沈郎愛客如愛酒章子問詩如問禪
共肯寒爐撥殘火共搜佳句作新年

老松

奉君以綠綺琴報我以雙南金
盃中琥珀不須

盡聽妾一釵行踏吟君看庭前老松樹
上有杳然不斷之清陰
牆低未礙髯髮古歲晚不辭霜
雪侵東園堯季自妍好與君百生同此心

揚州雍熙寺納涼

高樓有餘涼但見旗脚動鳥語簷角來
仰聽風響弄江山舊還徃草木老賓從平生
一笑造可得萬鈞重偷然六尺床更許佳月共

訪張鑑秀才兄弟

眼看霍々萬錢食便就匆匆五鼎烹
何似張侯

五兄弟閉門相對飽芹羹

邵伯埭路中

行前蒲柳後鷗鳥乃似白沙之舊居忽見雲天
有天語不知風雨對殘書往來河樹幾傾蓋上
下江船如貫魚更與河山結香火夜窓重枉故
人車

寄周司理

日月走動勸舟楫臥煩暑涼秋在萬里客子安
得語周侯磊落人憐我自爇煮殷勤半月留可

得一笑許別來今幾日坐此百里阻清風不時
來曉月仍半吐卷簾看修竹忽似對眉宇人生
行樂耳舍此皆自苦終期卜隣歸重聽對床雨
雖無塢、歌亦有坎、鼓

山光寺前泊舟值雨

輕雷喚小雨憶在白沙時綠酒留連醉紅燈取
次詩好風那復有涼月自相隨獨上山江光寺清
歌無柳枝

步月有懷

平生最愛花稍月可與青樓一尋看病去老來
渾忘却曉窓晴日上蒲團

楊州留一上人

日：東風吹客衣小園春在掩芳菲殘花逆雨
飄零盡好鳥穿林自在飛往事虛成采薇瘦故
人頻有食肥言知公未厭西行晚且伴江舡緩
緩歸

送一上人之京師

東風吹雲十日雨臥聽城頭打衙鼓道人遠自

山中來共坐南窓濯泥土自然高韵到羲皇豈
止微言變齊魯萬牛回首不震掉戈一葉橫江且
掀舞未能入水取蛟蜃尚欲投歌代貌虎念公
守此非一朝木病魄魂無枝條已盡千峯西嶺
雪更夢八月錢唐潮京城塵沙深一尺是中莫
留公履迹樵門躡踏兒女笑我一思之不能食
片帆無事早歸來為公一洗山中石

擬古

狡兔死三窟老松堅百尋物生各有念頤共此分

寸陰荒城六月旱長江三日霖稻苗不遂死幸
無蟲賊侵皇天不私覆一語銷百士先王典刑
在落傳至今願以小人腹而為君子心

外三擬古

寒鷄不能晨苦雨自朝夕上為雲雷巢下乃龍
窟宅坐轡陰外天缺月掛殘魄少來可壽人牖
戶陳玉帛平生千萬言略有二三策牛山所種
木日在斤斧危念君十年心使我雙鬢白
潘邠老嘗得詩云滿城風雨近重陽文

章之妙至此極矣後託謝無逸綴成
無逸詩云病思王子同傾酒愁憶潘
即共賦詩蓋為此語也王子立之也
作此詩未數年而立之邠老墓木已
拱無逸窮困江南未有定止感歎之
餘輒成二絕
漫營新句補殘章寄與烏魚玉樹郎他日無人
識佳景滿城風雨近重陽

好詩政似佳風月會賞能知己不負萬里潘郎
舊鄉縣半江斜日歸落帆

寄李商老

竹不可一日無酒不可飲不醉平生嗜酒愛風
竹此意不許凡兒會南來經年飽塵垢袖手甘
隨百夫後文章漫作無功身只了現曹補憲竇
黃沙障日江漫流青山喚我十年舊憶昔泊船
鷺翎口把酒遙為故人壽只今身在心已老千
巖想像靈芝秀君家兄弟固不凡解挽三友勒

相就中郎卧病過春晚昔則酒狂今詩瘦山房
大名不墜地諸老風流未宜棄老檜參天可乞
盟案食釧羹乃無味如今高韵千載同可更託
身三數公丈夫勁挺要長久百萬叩關一夫守
胸中江海不須道此流何必計升斗眼前勃率
訴二友聽客所為公絕口

雨中作

咄、真成夢悠、復未知寧為牛背語不作劍
頭炊雨挾秋聲亂江寒暝色悲故知無事飲猶

勝頃來詩

示內

貧賤不可忘富貴安足羨我生未三十種厭
 貧賤宦情肱九折老味金百鍊稍回功名心來
 結香火願平生所知人久已焚華視是中無真
 寔不在儒術緣有如退飛鷁更借逆風便病妻
 頗癡絕可與共開宴小女真吾兒語學春鳥囀
 初無本來有見作夢中見居看手捉鼻絕勝扇
 障面他人從吾名同入隱士傳

寄外弟趙柟材仲

長年更多病念爾不能忘夢去關山靜書來道
 里長形骸且憔悴草木自蒼唐古縣踈還往微
 官絕蕪揚頗聞能吏事仍不廢文章客裏襄江
 下人家筑水傍屢成千里目虛浙九回腸我老
 知無用身閑欲半藏預愁章服裏仍却簿書忙
 事業煩詩卷生涯在藥囊得非嵇叔懶寧似次
 公狂野檜多鱗甲寒松半雪霜高天一雁遠小
 徑百年荒每惜朱絲斷空懷素錦張舊交渾潦

倒此語更微
茫歎判五斗米先尋
百本桑殘羹
得共啜薄酒
要同嘗匣裡出雞劍
眼中除昧糠
未容窺突虛
自倚門墻指點飛鴻
踏何人識故鄉
○一本自野檜多鱗
甲寒松半雪霜下云
直須守歲晚
莫羨踏春陽
夙受祖師印
得遊夫子墻
直言無異理
未學故多方
必若除煩惑
先能起仆僵
君才可辨此
吾說未應亡
匣裏得明鏡
眼中除米糠
高天一雁遠
小徑百年荒
每惜朱絃斷
空懷素錦張
馬難逢伯樂
麟有遇鉏耨却

倚摩天刃
兼除治水航
舊交渾潦倒
此語更微茫
歎判五斗米
先尋百本桑
永無南浦送
頻受北風涼
想弟看字好
見兄籌策良
殘羹可共啜
薄酒更同嘗
龜勉初無害
衰遲却未妨
時尋二三子
同看憶千場
指點征鴻踏
無人識故鄉
京師贈大有叔

尊酒相逢
十載前
綠髮紅顏俱
少年
尊酒相逢
十載後
皮黃肉皺俱
白首
叔如紅鵠鴻但高飛
姪似鷹隼更深走
南來行李初
一逢長安舊茅冰

雪中閉門不識故人面豪氣直欲輕元龍平生
為道不為食少小所期皆目擊何時相就過江
南同訪曾遊舊泉石

寄蔡伯世

我恨不識塵門心公世蔡即心期千載同不隨吏部
曹中板去赴長蘆寺裡鐘

二

一坐十月長江濱自君之來心轉親還書起居
清源君人間紛々何足云

三

同行者誰平原孫于我不但骨肉親誰言不為
堯花去只愛江山亦可人

四

二子逃禪不計年江湖重去水粘天直饒透盡
三關語到底終成百漏船

五

木魚光裡兩蒲團意氣與我平生歡盡底告君
君不會空得癡人尋筆端 兩蒲團謂思壁時諸

人爭收壁書

寄范子

范郎平生萬人傑只今未免見號寒三江五湖
在胸次琨玉秋霜看筆端舊疾祇令肝肺熱春
風欲開桃李顏待約南江今夜月與渠萬里報
平安

春風

春風隨長江一日行萬里蕭條起岷山歎忽度
楊子江南千酒樓春風樓上頭金樽開翠幄青

帝吹客愁長堤二月暖寒溪千古流紛々桃李
花處々作芳華不見梁間燕空悲王謝家

聽琴

君不見龍門之下百尺桐漂霰飛雪愁寒空何
年班爾落君子小窓伴坐歌南風恍然如着山
岩裏不知身在塵埃中初聞平野飛鴻鵠歎聽
金盤起珠玉逸壇古樹鬱差莪六月吹霜作寒
綠折揚黃花不須道別鶴離鷺尚堪續君不見
開元天子醉西都音教十院留歡娛當時臨軒

奏此曲徑須解穢煩花奴乃知恬淡世莫識無
弦之趣何時無歸家愁厭箏笛耳此鼓一聽還
已矣會須流水訪鐘期試向爐中覓焦尾

雨後

新花欲盡竹當欄喜見空牆野色團稚子乘陰
蒔蘭菊僕夫留水灌高蔓茶香於汝初無分酒
熱逢人也強歡惱亂春光君會否小瓶猶占一
枝殘

送山伯良佐東歸以務道期息塗為韻

荆棘生良心米鹽入塵務芬芳老不達豈不以
此故人生錐處囊穎末要立露玉壺近青蝇沒
沒自點污剗心萬物表却立看脫兔

二

臨別當一言懇々念忠告縹囊可取足往結萬
古好默識古則然愚智同一道遠師顏氏子近
比伯業操文章有妙斲期子開窾奧

三

吾詩如清風去留不可期灑然或亦來不繫凡

子知兩卽從我遊豈但窺藩籬山房光焰在宴
藉衆木枝斯言可三復如我清風詩

四

昔我同學生文字虎而翼仲弟最多才志以六
月息自吾失若人每詩輒氣塞子如求數君慎
莫怪蝨賊胸懷但明了几案付塵墨

五

贈我貂襜褕報以明月珠古來敢名人十一行
此塗漢中屠沽此遠可曾公奴人生嗜好異至
有海上夫孰能識其然飽此萬卷書

河水清江水黃南山北山自相望恨君不止白
石房與誰同遊南郡卽白玉刻佩明月璫如鳳
四海求其凰道里遼遠日月長爽氣自足陵朝
陽舉酒送君莫忘

同晁季一季天紀過沈宗師北莊因成

長韻

三年城南居不識城北土但聞玉雪卽去作猿

鶴主今晨籃輿來握手相勞苦勝遊有佳士洗
耳聽妙語晴窗背雲壑落日在環堵晚風生白
楊想像原野古斷崖懸老木小港聚寒雨却觀
城市人努力自熬煮畏途出在席禍福有觀觀
杜陵懷壯遊無忌笑豪舉二者覓真是政恐君
未許千秋柴桑翁妙句聊一吐
泥龍蜴蜥困追求早遍淮南二十州寄語天公
莫輕許少留明月作中秋

清風

清風如君子所至有餘情忻然破煩溽有醉時
一醒嗟我二三友飄散秋葉零不知城南王何
以識我名欹斜左手字勞苦如平生會寫登樓
賦一弔漳濱靈

學視

學視觀懸虱病耳聞鬪蟻紛然酬六鑿萬劫費
楷洗君看杯中蛇妄想從何起忽然一妙語初
無強料理回觀積年疾乃是一念使誰能明此

心香山老君子

寄舍弟

殘暑墜空屋舊書穿破帷才蒙小雨潤透得好
風吹逸少每作惡淵明常病羸他鄉憶吾弟苦
語自成詩

斷雲

斷雲西南好來風東北去翩然兩無心空中忽相
遇化為一尺雪照我亭前路昔者甚可憐今來
湫無處故人多勸色留我不少住羈愁動中腸
疾病增百慮虛庭著明月皎々如積素不見乘
鸞子空懷舊煙霧

如臯道中

客路三日雨頗知袍袴單長河貫沃野薄酒動
新寒晚日魚蝦市秋風藜藿盤衰顏定可咲不
必鏡中看

東萊先生詩集卷第四

東萊先生詩集卷之五

呂本中

居仁

初去白沙再望路中江南諸山慨然有

懷

青山如美人濃淡各有態挽之不肯來乃似孤
隘竹念無千里風限此一衣帶夏木與藩屏不
畏炎日曬三年白沙遊藉爾寬眼界脫身塵垢
中一笑申終不壞別君更舉酒未了清淨債雖無
絲竹娛會有詩律快何如少陵翁亦為杜鵑拜

吾詩有餘歡此語君勿怪
近別君莫嗟遠別君莫惜
往來天壤間誰為不相識
十年幾相別日月虛奔擲
見君長江口已作胡眼碧
別君廣陵城妙語摧霹靂
今別知幾時復念駒過隙
坐成十里阻當有片言益
不勸君愛身不勸君強食
勸君以勇決萬事要努力
愚夫之所欣智士之所戚
譬如智而顛亦有傍震
靛聲色糾纏人萬劫困封植
本自驕墮生亦以因循得
寔惟招侮慢豈止礙空寂
居然耳目內反務化勅
教誰能深中山弄此無孔
笛芳草變蕭艾每為長太
息如公定不然此語當謾
憶何妨膏腴地更論去荆
棘看君一壺用亦有千金
直

五月五日泊舟非神與閔聖功
唐克之李元輔作別意殊惘然
端午日行次洪澤把酒北望已如
異世事矣因念屈大夫之死正是
此日慨然有感于

心輒成長韻奉寄李民師翁士時來
可求和也

麥上蝴蝶飛水邊鷓鴣卧却望山陽城已若一
夢過今晨又端午把酒意亦墮風回浪蹙船開
淺沙著拖故人阻情話客子且清坐更念屈大
夫是日遇奇禍空餘後世名弟子只增些寶璫
與月明皎：不受沈固知汨羅沉可到首陽餓
還書二三老此語君可和

贈唐克之兼簡益中

三年白沙看江山可當中原故人面今來千里
逢人笑却作江山見江山故人不相遠平生志
願于君滿唐侯獨立一代無張侯與之來集枯
老松本自歲寒外良馬不畏長途驅饑年百室
仰粟廩暑跽六月懸冰壺念昔閔汪不相貸視
世好爵如機械上書索去不作難云我未了平
生債後生少年延頸觀諸公故人思一快基本
未定天奪之賴有君侯教人在龍媒已遠風馭
回坐歎四海梁木摧爾來老謝又繼往但覺眼

學常塵埃長江無津出光怪迥野入夜開風雷
此語不誣君可驗請君更討防身劍

夜雨

夢短添惆悵更深轉寂寥如何今夜雨只是滴

芭蕉

出門見明月

出門見明月入門思故人
如此月未見一回新
明月相見多故人相見少問爾何因緣長
似此月好故人在何處南北東西路明月在咫尺

尺夜：庭前樹

庭一作宿我

明月莫虧缺故人莫

離別願月如故人：亦如月

往歲在白沙見江上往來祠神者殺猪

羊鵝鴨日夕相屬也有感于念後至濟

陰因長成韻當託白沙故人投之廟前

庶幾神少知自戒乎

今日殺一羊明日殺猪問神何所樂而必為此

歎羊死噤無敢猪死足號呼傷哉鴨與鷺開目

頸已朱問神此何負神亦何所取吾知斯民愚

非是神所許江船一帆風江田一犁雨民或謝
神勞尚使相告語但采澗溪毛足以薦筐筥何
須沂刃几而後羞鼎俎于物固無怨于神亦無
苦更令鳴鼓歌時送坎鼓

濟陰野次

去年騎馬古城西雨洗鞍韉一尺泥
轉無緒強無衰疾遠河隄

毛彥謨容膝軒

黃金為樓玉為梯畫旗素錦生光輝
不如一菴

醉而歸倒臥側立無東西君才於用無不宜會
稽竹箭梁山犀賈而不售君不疑亦自不以為
珍竒淵明妙處君得之萬古一首歸來詞一菴
容膝君所知不用芥子藏須彌望風懷想三歸
依眼前有曉見者誰世人紛々不自治何異羊
質蒙臯比見豺而戰忘其皮牆頭燕雀莫謾肥
汝不仰看鴻鵠飛伯夷去採西山薇想渠瘦亦
不勝衣不羨汝曹腰十圍。一本倒臥側立無
東西下云小窻容膝君所知不用芥子藏須彌

君才于用無不宜醫無間之珣珩琪會稽竹箭
梁山犀賈而不售君不疑亦自不以為珍竒淵
明妙處君得之萬古一首歸來詞望風懷想三
歸依眼前有睫見者誰我生甚窮則衰何異羊
質蒙臯比見豺而戰忘其皮恨不與子歸全時
君生于書無不窺文字皆好尤長詩令我琢句
相追隨墻燕雀莫謾肥汝不仰看鴻鵠飛伯夷
去采西山薇想渠瘦亦不勝衣不羨汝曹腰十
圍

濟陰寄故人

柳絮飛時與君別南樓把酒看新月
似當年離別時柳絮隨君何處飛
千書百書要相就思君不見令人瘦
念君情意只如新顧我形骸已非舊
朝來有信渡黃河雁足繫書多
網羅城南城北芳草多
明月如此素愁何意將公試信公
是叔用得古鏡二十一以遺法一上人澄
澈可愛底水隱然蜃樓突起又作杯渡
禪師像翻翻然衣動正在中流間也一

求記于予因為作歌

是即高居臥冰雪得此懸空^兩秋月已將屋角倒
魑魅更與人間洗炎熱一月團圓如扇面一月
菱花光掣電憐君囊中一物無意欲分君託方
便菱花入袖世莫識空堂夜留疎雨滴天生寶
氣有期會復恐藏去終無益君行萬里尋劍術
山精喚君莫出寒泉百尺傍枯樹狡兔九月
投霜鶻未須潘謂苦餓詩或自蘓公識神物下
有禪和不笑人須君一照蛟龍窟

別離行

城頭草木日夜黃九月北風天兩霜月色入戶
侵我床美人乃在天一方舊游可樂不可忘恨
君不隨南雁翔恨妾媿守此空房曉風忽來吹
夢長夢中與君還故鄉黃金為屋玉為堂與君
更笑億千場不須合佩雙鴛鴦
李念七久不見過二絕
不隨殘暑退青蠅入眼驚塵漸可慚靜裏工夫
君莫厭夜窓重對短檠燈

羅襦襟解燭滅後唱雞唱盧人散時願君莫忘
默軒老少小先蒙國士知

往年與閑止叔相別甬上止叔見勉學
道甚勤且曰無為專事文字間也及
今五年矣尚未有所就因作詩且志
且以自警也

老閑別我時笑我勤苦甚曰吾與子然同此一
味靜收功粥魚底筆墨有譏評五年念此語但

日月競競雖無蛾眉斧亦有石安場斯人今何往

想作大樹蔭我走足欲壘始學兩鳥噤君看齊

鼓謳何異眾哭臨繁紅成春條本自其天性風

雨頌繫一作推之不有十日盛人生亦作聊共未

免此病乃知鑿頭通已勝狗脚朕。洞山會下

有僧法空其宿命時有通上座者刻苦練行空

以水照之知其前身為魏孝靖帝也時眾中謂

通為鑿頭通云

六月初三日雨後步至城東

涼風生郊原快雨灑庚伏
曲肱訪幽睡朝夢不可續
開門招此山爽氣滿岩谷
村溪沒衰草古院蟠翠木
東行得幽亭小徑來已熟
下有十里濠暑退萬荷綠
恨無沽酒錢一醉起枵腹
人生要快意豈止寄幽獨
若看後地蛙黾韻故不俗
怡然供清歡何必絲與竹

得揚州書

書來每恨日月晚書去還憂道里路一作長但得老親常健好不辭新歲且窮忙
文章已受塵埃澆禪觀多為病疾妨
趨得殘春歸北否近箕臨穎是吾鄉

歸計未成作詩寄懷

萬里田園半有無十年歸夢阻江湖
文章繆忝敷名在氣體猶須藥餌扶
客路因風起舟楫水田無雨臥菰蒲
青帘白酒斜陽外不與行人滿眼酤

閱舊詩卷有懷

好詩無過亦無功
準擬還家贈阿宗
會有江山

與前核且畧一作無塵土甚從容大汪矯共雲間
鶴老謝森、澗底松回首百年俱一夢暮年文
采更誰從

高郵道中荷花極目平生所未見
綠淨紅深水不流炎天烈日自然秋只供野父
已無計便與行人亦暗投明月不來江北所好
山應在石頭城何年得映潘妃步更放君王作
意游

高郵遇大熱作

南風極炎暑赤日不可傍扁舟在地底淺水安
得強坐懷長河水未盡曷飲狀甚憎食案蠅意
欲不相讓旱苗乾欲死蒲藕秋可望平生投筆
手中有無盡藏爾來但深藏穩着攢鼻上有如
三年艾更復加百壯黑雲翻日脚好雨終不放
雷穀無事來殷、車百兩東街暴泥龍西街設
銅像利害有不同未易相得喪農夫責催租日
夕困大杖那知清歌前把酒有餘量

題孫廣伯圭簿家壁

古木輪囷老歲寒好花無力便凋殘秋風只在
盆池上但作江湖萬里看

贈孫廣伯

人皆笑君拙我獨許君直拙則世所無直則未
易識昔者中丞公事主以一德從容進退間多
士所取則朝廷九鼎重冠冕萬夫特塵埃困大
路此老難再得至今門下士必以身許國孰知
強弩末而有百鈞力賢孫後來秀見我好顏色
收功却掃中欲任門內責空拳入善陣匹馬見

孰敵不嫌不識察但恨無此獲歆亦莫如丹歆
黑莫如墨吾常持此言以辨主與賊苟無牛羊
害則有天地塞君能但拙直亦莫忘黑白

與吳迪吉諸人赴晁季一陳塘范園之

遊因成十韻

春風未寂莫類枉故人車容舍輕寒下村煙宿
雨餘曉紅留隱映新綠上扶踈妙墨懸高榜殘
章得舊書滿即所謂雙鷺下水蛟龍忽舒卷草木自清
虛澗登臨地悠々水竹居只今那復有本自

不閤渠塘水空遺廟塘即陳元龍廟在此塘上所開今有元
翬涼亦故墟時西有寺名翬涼唐武宗同行喜
佳士所到即吾廬政恐習池飲風流却未如

送晁季一罷官西歸

少年閱人若郵傳漢廷公鄉日千變故人一蹙
便青雲咫尺相逢不相見丈夫鬚髯但如戟黃
塵沒馬渠未識晁侯文采老不聞兩耳壁塞目
為昏三年刺促簿書裏更覺和氣生春溫誰能
種蘭生九畹從公不辭墮車蹇冰霜入眼蚊蚋

去桃李成蹊草茅遠胸中滄海無水旱眼底浮
雲看舒卷頃來江上幾送迎聚蚊成雷公不驚
笙等佛地不知曉公但寒窓延短檠乃知風雨
晝窈冥我亦不廢晨鷄鳴箕山之下潁水邊脫
冠便歸壯年請公先尋買山錢我亦從今當着
鞭

侯羸

游士縱橫翻覆手山東諸侯望閔走歷下邯鄲
無使來長城易水非燕有大梁賓客舊如雲夷

門監者未有聞謾將苦語送公子市井屠兒虛
見存後來毫髮爭得喪紛々小兒跌跨客不知
世有公子年年一生放迹江海上

昭君

凍雲霾空風折木烏孫公主歌黃鵠昭君請自
嫁單于當時各倚顏如玉露鬢雲鬟胡地塵帳
中誰是可憐人左抱琵琶右揮手胡地漢宮能
幾春嗚呼古來出婦嫁鄉曲何曾肯望秦雲哭

戲呈外弟趙才仲

趙郎風味春月柳可到阮公青眼邊秋水黏天
刷空濶曉霜扶月作嬋娟北來好句傳新雁一
夜客愁如少年安得瓊枝更當眼沙頭同理釣
魚船

城北別江子之

但覺與君別孰知歸興長乳畦分宿雨老木掛
晨新作霜未許緣詩瘦只知如許忙他年風雨
夜重約細商量

訪晁季一

近人烏雀第第語堆案簿書鳧鷖行是中亦自有佳趣公但徐之渠自忙西風忽來涼月曉楓葉蘆花秋意少勸君多飲莫多談截斷中流公便叅

吳君求詩因作四韵寄之并簡小吳與

甯生

文字縛人同束濕吳君不言如坐忘知公胸中有餘地萬頃亦在一葦航寒梢倒掛夜來夜語細草已披秋後霜寄語兩吳兼小甯莫因詩律

廢相忘

古劍歌

寒江九月雷殷空落日倒射千紅山江頭樹木半傾倒衰々不盡洪濤風々中有物如長戟電光忽來傾霹靂雨罷晴開不復知乃是潛蛟倚長石蒼皮半卷頗飛動澁蘚中開欵跳擲青螢野火下絕水天矯長煙轉空壁天生神物有時出歲日飄流為誰得銅花欲盡秋水渾尚有千年妖血痕向來天地亦兒戲傾俄變怪徒紛紜

君不見豐城之來亦不久寶氣何為上牛斗

初夏即事

歌呼連檣亦任渠移門賓從又何如是日西鄰置酒會客
盛晴皆仰日臥紅藥野水趁舡跳白魚多病日
參籟桶話得閑時近養生書平生不盡幽居興
付與長江極釣車

偶作

鄙夫養病苦不足諸公覓官常有餘自有閑人
不更事可隨雲鳥更深居

癸巳自南京過泗上

昔我往矣天欲霜今我來思梅已黃淮山凜雪
塵垢面魚稻騷除藜藿腸好風肯伴客帆遠故
國不如歸夢長塔中老人莫相笑我自寂然渠
自忙

泗上贈楊古老二首

杯中蛇去無恙醉裏詩成有神相逢不及世故
長年倍覺親情

置玉坦之膝上著陳長文車中何似維摩文室

蕭然一榻清風

題寶應張氏草堂

好風殘暑不同途
穩看飢蚊自掃除
不謂南軒有佳竹
捲簾相對一床書

學仙行

長松拂雲根
合抱雪虬霜凌不相到
下有千歲老伏苓
化為琥珀光自照
食之便可登廣寒
不但無病長年少
浮生溷濁乃可言
和氣乃為塵務煎
坐看靈藥置泥土
五味雜置成薰羶
豈不聞齊天子黃金
丹成不肯仙
且貪人間樂
不能從汝飛上天
惜哉韋郎之妙語
一失毫釐千萬年

冬日訪朱深明博士二首

北風迎馬入裘茸
來訪殘燈半日紅
敗屋數間書百篋
無人知是陸龜蒙

見公便是倚松老
念我不忘擔板心
萬里江山一樽酒
主人無古亦無今

一軒前主人無古德無今

其公野史前時世道不修對心第野史公

書百歲無八味長對史書

北風出西入清在斗宿力遊半日終始必媒國

今日對朱新田對十一節

米

東萊先生詩集卷第五

東萊先生詩集卷第五

